

hafi verið gefinn kostur á að kynnast efni þeirra, og ákveður hún þá að því at- **81**
huguðu, hvort börnum og unglingum skuli leyfður aðgangur að þeim. **26. maí**

4. gr.

Börnum og unglingum innan 16 ára aldurs er bannaður aðgangur að almenn-
um knattborðstofum, danssölum og öldrykkjustofum. Þeim er og bannaður að-
gangur að almennum kaffistofum eftir kl. 8 síðd., nema með aðstandendum sínum.

Eigendum og umsjónarmönnum þessara stofnana ber að sjá um, að börn og
unglingar fái þar ekki aðgang né hafist þar við.

Börnum innan 12 ára er bannað að vera á almannaferi eftir kl. 8 að kvöldi á
tímabilinu frá 15. sept. til 15. apríl, og ekki seinna en kl. 10 á tímabilinu 15. apríl
til 15. sept., nema í fylgd með aðstandendum sínum eða í nauðsynlegum erindum í
þeirra þágu.

Foreldrum eða húsbændum barnanna ber, að viðlögðum sektum, að sjá um
að ákvæðum þessum sé fram fylgt.

5. gr.

Börn innan 14 ára aldurs mega ekki selja blöð eða bækur nema með fengnu
leyfi barnaverndar.

6. gr.

Brot gegn reglugerð þessari varða sektum sem brot gegn barnaverndar-
lögum. Skal farið með mál vegna þeirra brota eins og segir um slík mál í barna-
verndarlögum.

Reglugerð þessi öðlast þegar gildi.

Þetta birtist hér með til eftirbreytni öllum þeim, sem hlut eiga að máli.

Í dóms- og kirkjumálaráðuneytinu, 26. maí 1939.

Hermann Jónasson.

Gústav A. Jónasson.

AUGLÝSING

82

**um staðfesting dóms- og kirkjumálaráðuneytisins á reglugerð um
barnavernd í Eskifjarðarhreppi.**

26. maí

Samkvæmt 2. gr. laga nr. 76 frá 19. júní 1933, um breyting á lögum nr. 43 frá
1932, um barnavernd, er hér með staðfest eftirfarandi

REGLUGERÐ

um barnavernd í Eskifjarðarhreppi.

1. gr.

Í umdæmi barnaverndar Eskifjarðarhrepps er bannað að selja eða afhenda börn-
um og unglingum innan 16 ára aldurs tóbak, hverju nafni sem nefnist, gefa þeim
það eða láta þeim það í té á nokkurn hátt, eða stuðla að því, að þau neyti þess eða
hafi það með höndum.

2. gr.

Bönnuð er sala á spýtubrjóstsykri (sleikjum) og brjóstsýkurstöngum, svo og
öðrum þeim sælgætisvörum, sem að áliti barnaverndarnefndar geta talizt á einhvern
hátt hættulegar börnum og unglingum.

82

26. maí

3. gr.

Engar leiksýningar eða opinberar skemmtanir, sem börnum og unglingum innan 16 ára aldurs er ætlaður aðgangur að, má halda nema barnaverndarnefnd hafi verið gefinn kostur á að kynnast efni þeirra, og ákveður hún þá að því athuguðu, hvort börnum og unglingum skuli leyfður aðgangur að þeim.

4. gr.

Börnum og unglingum innan 16 ára aldurs er bannaður aðgangur að almennum knattborðum, dansstöðum og öldrykkjustofum. Þeim er og bannaður aðgangur að almennum kaffistofum eftir kl. 8 síðd., nema með aðstandendum sínum.

Eigendum og umsjónarmönnum þessara stofnana ber að sjá um, að börn og unglingar fái þar ekki aðgang né hafist þar við og liggja sektir við, ef út af er brugðið.

5. gr.

Verzlunum, ölstofum og knattborðstofum ber að hafa eintak af reglugerð þessari hangandi á vegg inni á sölustaðnum.

6. gr.

Brot gegn reglugerð þessari varða sektum sem brot gegn barnaverndarlögum. Skal farið með mál vegna þeirra brota eins og segir um slík mál í barnaverndarlögum.

Reglugerð þessi öðlast þegar gildi.

Þetta birtist hér með til eftirbreytni öllum þeim, sem hlut eiga að máli.

Í dóms- og kirkjumálaráðuneytinu, 26. maí 1939.

Hermann Jónasson.

Gústav A. Jónasson.

83

15. júní

Staðfesting konungs á skipulagsskrá fyrir „Minningarsjóð frú Jöhönnu Bjarnadóttur, Ísafirði“, útgefin á venjulegan hátt ad mandatum 15. júní 1939, af dóms- og kirkjumálaráðherra.

Skipulagsskráin er þannig:

SKIPULAGSSKRÁ

fyrir Minningarsjóð frú Jöhönnu Bjarnadóttur, Ísafirði.

1. gr.

Sjóðurinn skal heita „Minningarsjóður frú Jöhönnu Bjarnadóttur, Ísafirði“, og er stofnaður til minningar um frú Jöhönnu Bjarnadóttur, Ísafirði, er andaðist 5. marz 1934, 26 ára gömul. Stofnfé sjóðsins er kr. 1200.00 — eitt þúsund og tvö hundruð krónur — frá eftirlifandi eiginmanni hennar, Guðjóni E. Jónssyni, bankaútibússtjóra, Ísafirði.

2. gr.

Sjóðurinn er gefinn í bankavaxtabréfum veðdeildar Landsbanka Íslands, Reykjavík, að nafnverði kr. 1000.00, og innstæðu í sparisjóðsbók við útibú Landsbanka Íslands á Ísafirði að upphæð kr. 200.00.